

Donatus Köck - Prijateljstvo

Veličina slova: **- +**

T. C. 11/01/2011 22:48:00



Donatus Köck

Ambasador Austrije u BiH Donatus Köck, u pratnji prvog sekretara Brigitte Pfriemer, posjetio je danas Nacionalnu i univerzitetsku biblioteku BiH i tom prilikom razgovarao s Ismetom Ovčinom, direktorom NUB-a BiH i saradnicima o unapređenju suradnje između NUB-a BiH i Ambasade Austrije u Sarajevu. Direktor Ovčina upoznao je goste s ...

... radom NUB-a BiH te se posebno osvrnuo na rad Austrijske čitaonice pri Biblioteci. Značajan doprinos ostvarivanju uspješne kulturne saradnje s Austrijom ima Austrijska čitaonica koja djeluje u okviru NUB-a BiH i koja posjeduje najznačajnija djela austrijskih autora iz raznih oblasti.

Publikacije su obrađene u okviru sistema COBISS.BH i dostupne širokom krugu korisnika. Austrijska biblioteka/čitaonica otvorena je u NUB-u BiH 1999. godine s ciljem upoznavanja i približavanja naših kultura, nauke i umjetnosti, te uspostavljanja kulturne suradnje.

Ambasador je pokazao spremnost da novim naslovima obogati fond biblioteke, kao i savremenom informatičkom opremom neopodnom za uspješan rad.

Razgovarano je i o razmjeni bibliotečkih stručnjaka, razmjeni građe, učešću u zajedničkim projektima, zaštiti i digitalizaciji građe, te je posebno istaknut značaj organiziranog pristupa rekonstrukciji uništene građe NUB-a BiH i zgrade Vijećnice, simbola kulturno-historijskog naslijeđa BiH.

Ambasador je izrazio divljenje opstanku Biblioteke u najtežim trenucima, te optimizam da će Vijećnica biti obnovljena po uzoru na biblioteke u Austriji.

Posjeta Biblioteci završila je upisivanjem u knjigu utisaka NUB-a BiH u kojoj je ambasador Köck izrazio oduševljenje i pohvale organizaciji i radu Biblioteke, saopćeno je iz NUB-a BiH.